


The Ohio State University



3 2435 07638558 2

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	04	26	27	7	07	006	6

Rebel,

OHIO STATE
UNIVERSITY
LIBRARIES

۵/۴۵

معلم ناجی

—۳۱۴—

حکام الرفاعی

—————

فی ۳ غروش

—————

معارف نظارت جلیله سنک رخصتیه مطبعة عامروده طبع
اولمشر

سید

۱۳۰۴

BP86

R5 N32193

1887

❖ مقدمه ❖

عراق عربك « واسط » شهرى ۵۱۲ سنه
هجريه سنده بر طفل مبارك مسقط رأسى اولمش
ايدى .

۵۷۸ سنه سنده شهر مذكوره مضاف « ام عييده »
قریه سنده بر قبر شريف كوردلى .

او طفل مبارك ۶۶ ياشنده بر پير اولديغى حالده
بوقبر شريفه دفن ايدلمش ايدى .

مشار اليه مدت عمرينى - حساب جمل
طريقيله - لفظه جلاله كوسترمكده در . حتى مفتى
القلين مولانا تقى الدين والوسطى به پير حقنده « مدت
عمرنده نه ايله اشتغال ايدردى ؟ » سؤالى ايراد
ايتدكلرنده « مدت عمرنده مدار اشتغالى مدت
عمرى ايدى ! » جوابنى ويرهرك حساب مذكوره
اشارت بيرر مشدر .

پيرك نسي بر سلسلهء معروفه ايله حضرت امام
حسين افندمره منتهى اولور .

نام ساميسى احمددر . متصف اولديغى توضع
محمدي اقتضاسندن اوله رق كنديسنى بنيه تصغير
ايله « احيمد » ديه ياد ايلديكى حاده سادات كرامك
اكابرندن ادى .

بو ذات مصطفى صفات اجلهء اعز و دن پر شهير ،
دستكير خطير « سيد احمد الرفاعى » حضرت تليد و كه
اجداد عظامندن جناب « رفاعه » يه نسبت
اولنور .

پر مشار اليهت بعض كلمات قدسيه سى « مولانا
ابوالفضل الشافعى الواسطى » طرفندن جمع
ايديلهرك بر رساله حالته قونلمشدر .

مولانا ابوالفضل بو رساله نك ديباجه سننده
دييور كه :

« رأيت في خزانة الحبر الجليل العريق الاصيل
الشيخ عبدالسميع الهاشمي نفعنا الله بعلومه

هذه الرقاع بخط السيد الكبير والولى المقدم الشهير
 شيخ المشايخ الجليل الراسخ بحر المعارف وكثر العوارف
 وب اليد البيضاء والمنقبة العظمى تاج اولياء عصره ابى
 العباس القطب الشريف السيد احمد محى الدين
 صاحب العلمين ابن السيد الجليل ولى الله ابى الحسن على
 الحسينى الرفاعى قدس الله سره ورضى عنه وقد كتب على
 حاشيتها شيخنا الشيخ عبد السميع الهاشمى بخطه
 هذه حكم الغوث الشريف سيدنا السيد احمد الرفاعى
 الحسينى رضى الله عنه تكرم بها على وامرنى بحفظها
 وهى من انفس الذخائر لمن وفقه الله تعالى . «

مولاناك شو افاده سندن آكلا شديغنه كوره
 كنديسى بوكلمات جايله يى حاوى اولان اوراقى
 — سيد احمد الرفاعى حضر تلرينك خط دست
 عاليلىله محرر اوله رق --- شيخ عبد السميع
 الهاشمينك خزانه سنده بولمش وشيخ مشار اليك
 قاميله اوراق مذ كوره نك حاشيه سنه « هذه حكم
 الغوث الشريف سيدنا احمد الرفاعى الحسينى رضى

الله عنه تکریم بها علی و امرنی بحفظها و عی من انفس
الذخائر لمن وفقه الله تعالی . « عبارہ سی یازلمش
اولدیغنی کورمش .

شو عبارہ « بو اوراقلک محتویاتی سید احمد الرفاعی
حضرت تالرینک حکم جلیله سیدر . بو تالری بکا خطاباً
یازه ورق قدر می اعلا ایتدیکی کی حفظانی ده اراده
یورمشدر . بو حکمتلر مظهر توفیق الہی
اولا تالر نزدندہ اک نفیس ذخائر دن معدوددر «
ماانی مبین اولمغله رسالہ نک جامع بولندی فی جمل
جمیلہ نک سائنحات حضرت پیردن اولدیغندہ شہرہ
قالما مقدمہ در ، زیرا خط دستیلہ بوشہادتق اظہار
ایدن شیخ عبدالسمیع نجبای بنی عباسک اعیانندن
وشہر واسطک خواص ارباب عرفانندن فضل و کمال
یلہ موصوف ، صدق وزہد ایلہ معروف اولمقلہ برابر
سید احمد الرفاعی حضرت تالرینک خائفای کرامی
یچندہ دخی اک سرافراز بر مرد ممتاز ایدی

مقدمه رساله ده واقع « من العبد اللاش الى
 الشيخ المحتشم اخينا عبد السميع الهاشمي » عبار سنده
 حضرت پير طرفدن كنديسنك « قرداشمز شيخ
 محتشم » عنوانيله ياد بيورلمش اولسي شيخك برهان
 علوشاني دكيدر ؟

رساله مذكوره « خزانه الحكم » اطلاقه
 شايدان بر كنجهينه ادب و عرفان بولمغله افاضل
 صدور عظامدن و اكامل علماي اعلامدن اولوب
 نسب عاليلى قدوة الاوليا سيد احمده و بوجهته
 قبلة الانبيا حضرت محمد منتهى و هر در لوفضائل
 احمديه و محمديه منتمى بولنان صيادى زاده سماحتلو
 سيادتلو السيد « محمد ابوالهدى » افندمن حضرتلى
 طرفدن غايت محققانه بر صورتده شرح
 اولمشدر .

ناشر انوار حقيقت ، مرشد ارباب طريقت
 اولان جد كرىلرينك عرفاى امته بك قيمتدار برياد
 كازى بولنان رساله مذكوره نك شرحه همت

و بوضوح و ترتیل ده با جمله اهل اسلامه و خصوصیه
عشاق آل و اولاد کرامه بر بیوک خدمت ایتمش
اولد قیلرندن طولای ابو الهدی افندی حضر تلیزینه
نه قدر عرض تقدیرات و تعظیمات اولنسه حقیقه
ایفای وجیهه شکران ایدیش اوله من .

ذکر اولنسان رساله کی شرحی دخی لسان
عربی اوزره یازلمش اولدیغندن مملکت مزجه
ایکسینک ده فوائدی خواصه منحصر قالدیغنه ،
بوقیلدن اولان آثار جلیله ملیه نک تعمیم فوائدی
ایسه وجائبدن بولندیغنه مبنی « حکم الرفاعی »
عنوانیه شو اثری میدان کتیرمکه عزم ایلدم .

بویله بر جسارتده بولنشم رساله احمدیه نک
حاوی اولدیغی جمله لریک ابو الهدی افندی حضر تلی
طرفندن فصیح و بلیغ عبارات واضحه ایله شرح
ایدلمش اولسندندر ، یوقسه او یله بر غوث اعظمک
هربری بر جهان معرفت اولان حکم عظیمه سنه
دائر — ولویش اون سطر دن عبارت اولسون —

سوز سويلمك حد عاجزانه مك بتون بتون فوقنده
كورينوردی .


ابوالهیدی افندی حضرتلری او شرحی البتہ
حضرت پیرك امداد روحانیتیلہ یازمش اولدقلری
کی بنده بر اثری ذات عالی فاضلانہ لرینك معرفت
موزوٹہ و مکسوبہ لرندن استمداد ایله یازمغه جرات
ایدیورم .

اثرم رسالہ مذکورده مندوج حکمت
کافه سنی جامع اولمیه یوب بوزلردن فکر مجہ شایان
اتخاب بولنا ناری حاوی اوله جقدور .
اتخاب ایتدیکم جمله لری « مؤلف » اشارتی
آلتمده اوله رق عیناً تحریر ایله ممکن اولدیغی قدر
حرفیاً ترجمه ایلدکدن صکره « شرح خلدن
استفاضه » اشارتی زیرنده اوله رق دخی ابوالهیدی
افندی حضرتلرینك « قلائد الزبرجد علی حکم
مولانا الغوث الشریف الرفاعی احمد » تسمیه
یوردقلری سالف الذکر شرح عارفانه دن بوزلرم

دائر الایم بعض تدقیقات وایضاحاتی خلاصه
عرض اید حکم .

برده ایجاب ایتدکجه کنیدی طرفدن دخی
« محرو » اشارتی محتده اوله رقی آنار اکابره
مستند بعض ملا حظات علاوه ایلیه حکم .
والله الموفق .

معلم ناحی



حکم الرفاعی

(مؤلف)

— ۱ —

« العقل كنز الفوائد و كيمياء السعادة . »

— ترجمه —

« عقل كنز جينه فوائده و كيمياء سعادتدر . »

(شرحدن استفاضه)

عقلك اول مخلوقات اولديغنى ميين بولسان
حديث مشهورده لسان عزتدن عقله خطاباً
« سندن عزيز برشى خلق ايتدم . افعال آلهيه مدن
اولان اعطائك ، محاسبه نك ، معاقبه نك ، اعزازك ،
اذلالك مدار مستقلى سنسين . » بيورلد يغنك
كوسترلمسى ، ديكر بر حديثده دخى روز قيسامتده
اعمال صالحه يه مقابل احسان بيوريله جق اجورك

احباب حسناتك مقادير عقولنه كوره ويريله جكنك
بيان ايدلمسى عقلك حائز اولديغى شرف عظيمى
امته تعليم واعلان مقصدينه مبنيدر .

جناب مؤلفك « البرهان المؤيد » عنوانلى
كتابنده بيان ايلديكى وجه ايله حضرت امام على
• سكا دوا ، ينه سندن اولور ، اما كورميورسين !
سندەكى دا ، ينه سندن در ، فقط بيلميورسين ! كنديكى
كوچك بر جرم قياس ايدورسين ، حال بوكه
عالم اكبر سنده مندر جدر ! « مألنده اولمق
اوزره :

دواؤك منك وما تبصر
وداؤك فيك وما تشهر
وتزعم انك جرم صغير
وفيك انطوى العالم الاكبر

بيورمشدر .

عالم اكبر نه در ؟ . . حضرت امامك تعبيري
وجه ايله انسانده منطوى اولان عقل ! . .

انسان بو عالم منظوی به نظر امعان ایله باقنجه
استصغار ایتمکده اولدینگی کنددی جرمئک قدری ،
زدنده تعین ایدر . جرم انسان خلقة حائر قابایت
کبری اولمسه محیط عالم اکبر اولمغه شایان کوریاورمی
ایدی ؟

انسان کندینک ، انوار منتشره می بتون
عوالم سائره یه طوغری تمتد و منبسط اولمقده
و بالجملة معاملات الهیه ناک مدار اجرایی بولمقده
اولان عالم اکبری محیط اولدیغنی بیله رک آکا
کوره همت عالییه صاحبی اولمایدیر !

جرمئک ، عالم اکبری احاطه ایتمکده بولندیغنی
بیلن انسان عظمت شان ذاتی تقدیر ایله شرف
صفاتی کوندن کونه اعلا ایتمک ایچون اجرای تدبیر
ایلمکدن خالی قالمز .

بو ادراکی حائر اولان انسان قوتله ، جمال
ایله ، مال ایله ، اهل ایله ، عشیرتله ، منصبله ،
ویاستله افتخاره میلان ایلمز .

جناب امام شافعی :

وكل رئاسة من غير علم
انزل من الجالوس على الكناسه

بیورمشدرکه « علمسز ریاست سو پورنی

بیغینی اوزرنده اوطورشدن دها بیاغیدر • »

دیمک اولور •

علم عقل ایله تحویل ایدلمکده اولمسیله علمک

شرفی دخی آنجق عقل ایله قائم ودائم اولیور •

برطاقم عقلا علمک علمه ترجیحنه قائل اولمشدرسهده

— علم اساساً صفت خالق ، عقل ایسه صفت مخلوق

اولدیغندن — بونلرک مقصدی « صفت خالق اولان

علم صفت مخلوق اولان عقلدن عالیدر • » دیمک

اولدیغی اکلشله قدددر ، یوقسه بزم علممزه

عقلمزه نقل کلام ایدیانجه مرتبه عقلک مرتبه

علمدن بالاتر اولمسی لازم کله جکی سوز کتورد

شیلردن دکلددر •

علم بشر عقل بشردن فصل عالی طوتیه

بیلیرکه اورتهدده عقل اولمدینی تقدیرده علمک تصور
وجودینه دخی محل قالمیور؟

کریوه خطایه صاپان بر عاقلک دلالت عقل ایله
صراط مستقیم بولسی مأمولدر، فقط یولدن چیقان
براحمقک نه ایله رهیاب رشاد اوله بیله جکی مجهولدر.
حضرت امام علی « کل عقل لم یحط بالدين
فليس بعقل وكل دين لم یحط بالعقل فليس بدين » ،
یعنی « دینی احاطه ایتمین عقل عقل دکلدر .
عقلک احاطه ایده مدیکی دین ده دین دکلدر .
بیورمشدرکه بودخی عقلک درجه اشرفیتنی اثبات
ایچون دلیل کافیدر .

جناب مؤلفک ینه « البرهان المؤید » ده
بیان بیوردینی اوزره هیکل انسان برعرضدر .
بوعرضک شرقی جوهر عقل ایله در . عقل ایسه
— « نفسکی نظر دقته آلوب فضائلنی استکمال ایله ،
زیرا حقیقتده سنک انسانلغک جسم ایله دکل ، نفس
ایله قائمدر . » مفهومنده بولنان :

اقبل على النفس واستكمل فضائلها
فانت بالنفس لا بالجسم انسان
نشیده سی حکمنجه — عارف نفس اوله رق
تفسه هیچ بروجه ایله حدینی تجاوز ایتدیر میه جک
صورته دائما حکم ضابطانده بولنسی لازم کلن
برقوة جلیله در ، یوقسه بومزیتی حائر اولمیان عقله
حقیقتده عقل دیمک لایق اولمز .

بوجوهردن محروم بولمان آدم ایسه — مابه
الشرفی اولان شیدن مهجوریتی جهتیله — کشف
وثقیل بر عرضدن ، یعنی جسمدن عبارت قاله جغندن
مراتب عالییه صعود استعدادندن بعید بولنور .
اما عقل کامله مالک اولان انسان — کند -
یسنده حقیقت آدمیه نك و جو دینه مبنی —
هر صورته نیل معالییه چسپان کوریلور .
مراتب عقلک برنجیسی اوهام قیاندن اولان
بنلکدن و مرد مستقیمه هیچ یاقشدیر یله میان
لافر نلکدن منخلع بولنقدور .

انسان — عقلك بر مرتبه اولاسی كندنده تحقق
 ایتدكدن صكره — مبتدای طینیسی ایله منتهای
 تراییسنیدن و بویایی حد یئینده معرفتی لازم اولان
 شیلردن كسب آگاهی ایتكه چالشملیدر .

عقلك جالب منافع و دافع مكاره اولدیغنی
 كونسترمكده اولان ایضاحات منروده بی مطالعه
 ایدن هر عقل منصف حضرت پرك « العقل
 كنز الفوائد و كیمياء السعادة . » کی بر عبارت
 و جیزده نه بیوك بر حكمت درج ایلدیكنی معترف
 اوله جقدر .

محرر

جناب شیخ سعدی یه « دیو بهتیا آدمی ؟ » ،
 یعنی « شیطانمی اولادر ؟ انسانمی ؟ » دیه سوال
 ایتدكلرنده قطعه آتیه ایله جواب ویرمشدر :

ای که پرسیدیم از حال بنی آدم و دیو
 من جوابیت بگویم که دل از کف برد

دیوبکر یزدان آن قوم که قرآن خوانند
آدمی زاده نکه دار که مصحف برد

دیمک ایستیور که : « ای بکاشیطان ایله انساندن
هانکیسنگ اولی اولدیغنی سؤال ایدن ! سکا بر جواب
دلجو ویرهیم : شیطان قرآن ارقویان طائفه دن
نزار ایدر ، فقط کوزیکی اییجه آج که انسان
مصحنی چالارده کیدر .

حضرت شیخ جهاندیدنک :

« شیطان بنم اولسون دده سلطان سستک
اولسون !

مصراع مشهورینک مأخذنی ظن اولنان بوقطعه
غراسی دخی سائر سانشات عارفانه سی کی حکمت
محضه در .

فیضی هندی شیخ مشار الیهک :

ای نفس اکر دیده تحقیق ایله باقیه
قازملکی زفکیناسک ترجیح ایدردک
مألنده اولان :

ای نفس اگر بدیده تحقیق بنگری
درویشی اختیار کنی بر توانگری

بیتله باشلایان قصیده نصیحه منی تظیر
یوللو یازدینی « معرفت نفس عنوانلی موعظه بلیغده
اوزی سوزینه اویمیان ارباب مفسدتك حالی :
حرف فنای جعفر طیار بر زبان
پرواز شوق در هوس زر جعفری
دیه تصور ایتدکن صکره « هر کسده فتوت
آرامه : زیرایم و دار خیریده ایمان حیدری آراغز :
منهومی ادا ایچون :

از همکشان مجوی فتوت که کس نجست
ایمان حیدری زیهودان خیری
بیتنی انشا ایلمشدر .

ضیا باشا مرحومک :

صادق کورینور کسوده ارباب خیانت
مرشد صانیلور وهلده اعجاب ضلالت

اکثر کشینک صورتنه سیرتی اویمز
 یارب بونه حکمتدر الهی بونه حالت
 فریاد حقیقت آموزیله اظهار شکوی ایتمنه بادی
 اولان — مغایرت صورت وسیرت — کیهیتی
 « خیام » حکیم شور باعیدسیله بر لوحه عبرتبخشا
 شکلنده ارائه ایتشدور :

شیخی بزنی فاحشه کفتمستی
 هر لحظه بدامد کری پابستی
 گفتاشیخا هر آنچه کوی هستم
 اما تو چنانکه می نمایی هستی

معلم فیضی افتدی برادر من خیامک ممکن
 اولدینی قدر مکمل ترجمه حالی وایضاحتیه
 برابر اک منتخب رباعیاتنی حای اولمق اوزره
 تحریرینه همت ایلدیکی « خیام » عنوانلی
 کتابده — که عن قریب طبع و نشر اولنه جقدر — [*]
 ذکر اولنان رباعی بی بروجّه آتی ترجمه بیوریور:
 — صورت ظاهره سی حلیه زهد و صلاح ایله

[*] طبع و نشر اولنمشدر .

مزمین شیخك بری برزن کمر اچه دیمش که :
 « سن مست بی پرءای روزگار و هر زمان فسقه دن
 برینك دام هوسنه گرفتار سین ! شوپله بوپله
 سین ! » زن دخی جواباً دیمش که : « یاشیخ !
 سن بنی نصل کوریور ایسهك اوپله یم ! فقط الله
 ایچون سوپله ! سن دخی طبقی کورندیکك کی
 دیسین ! . . . »

ظاهرش بون کورکافر پر حلال

واندرون قهر خدا عزوجل ---»

خیامك بو رباعیسی حضرت بایزید بسطامینك
 « یا اولدیفك کی کورون ! یا کوروندیکك اول ! »
 دیه ترجمه ایدیان « یا چنان نمای که باشی و یا چنان
 باش که نمایی ! » کلام حکیمانہ سنی بر محاوره ضمننده
 کو ستر مکده در ♦

اوتہ دن بری عالم بشریتی نعمت سعادت کاملہ دن
 محروم ایتمکده وارباب دقت و معرفت طرفندن
 بالاده محروم سوزلر کی ارشادیات ایلہ انظار

اعتبارہ عرض ایدلمکده اولان مناسدک چوغی
انسانک — جلب منفعت مقصیدله — اولدینی کبی
کورنمک ایستما مسندن نشأت ایلیمکده در . بو ایسه
اکثریا نقصان عتلمدن ایلری کلیر بر حالدر .

عقل کامل صاحبی اولان بر آدم خلاف
حقیقت نمایشده بولمغه لزوم کورمز ، چونکه
کندی ماهیتنک میدان چیقمسندن بر احترازی
یوقدر ، چونکه جانیلر کبی خوف وحذر ایچنده
یاشامقدن صفایاب اوله مز .

« سعادت بشریه نك درجه سی بشرده کی عقلک

نقصان و کمالیه متناسب اولور . « دین ارباب
حکمت هر فردک عاقبت جهتیله مرتبه کماله تقریبه کوره
اکتساب سعادت ایده بیله جکنه اشارت ایلیمشلردر .

عاقل — فقیرزاده اولسه ده — غنیدر ، زیرا
عقل کنجینه فوایددر .

عاقل — بختیارزاده اولسه ده — مسعوددر .
غذیرا عقل کیمیای سعادتدر .

« واتها » بختیار ، کندینی بختیار ظن ایدندر ! »
 قول معقولنجه دنیاده انسان ایچون مسعودیت
 کامله یه نائلیت قابل اوله مزسوده عقلی اولمیان آدم
 « بختیارلق » نه دیمك اولدیغنی دخی بیله میه جکی
 جهتله احوال عالمه نظراً « مسعودیت حقیقیه »
 دیمك اولان « کندینی بختیار ظن ایتمك » مسعودیتنه ده
 نائل اوله میه جغندن « بختیارلق » دیدیکمز دولتینك
 هر حالده قرناى عقلادن بولنمسی لازم کلمکدود .
 بعض رجال صوفیه « عشق » دن بحث
 ایتدکری صروده عشقی عقله ترجیح ایلد کدن
 بشقه :

ای که از دفتر عقل آیت عشق آموزی
 ترسم این نکته بتحقیق ندانی دانست
 کبی سوز لر له عقلك ماهیت عشقی ادرا که دخی مقتدر
 اوله میه جغنی ادعاسنده بولنمشار وعقل ایله عشقی
 اضداددن عد ایدرك عاقل ایله عاشقك احوال
 یکدیگردن بی خبر بولنه جقارینی بیان ایلمشاردر .

واقعا عشقك بر نوع جنون اولاسنه نظراً
 عقل ايله يئترنده ضدیت بولنسی طبیعی ایسهده
 ارباب تصرفجه اصل مسئله بو اربابوب « هادی »
 طریق حق عظمیدر ؟ یوقسه عشقمی ؟
 قضیه سی اولدیغدن بو بابده خیلی مباحثات جریان
 اتمکهدر . حتی شیخ سعدی به معاصر لرندن
 « مولانا سعدالدین » بر مکتوب منظوم ارسالیله
 بومسئلهیه دائر ایضات طلبنده بولمشدر .

سعدالدین مکتوب مذکورده کی :

مرد در راه بحق عقل نماید یا عشق

این در بسته تو بکشای که بایست عظیم

عقل را فوق تراز عشق توان گفت بگوی

چون ترا روز شب این هر دو حرفند و ندیم

بیتلریله حضرت شیخه « انسانی طریق حقه ارشاد

ایدن عظمیدر ؟ یوقسه عشمی ؟ بومسئلهیه حل

ایله که پک مهمدر . مادام که عقل و عشق دائماً

سنگاه همدم بولنیورلر « عقل عشقه مرجحدر . »

دینیله بیلمی؟ سن سویله؟ « دیمک استیور » شیخ
 دخی مولاناك ذکر اولنان بیتلرده عقلی عشقه
 تقیماً ایراد ایتمندن عقلی عشقه مرجح طوتمق
 ایستدیکنی استدلال ایلدیکنه مبنی ایلیدر که
 ویردیکی جواب منشورده بالاده قسماً ما لی کویستریلن
 وعقلک اول واعز مخلوقات اولدیغنی مبین بوانسان
 حدیث شریفی نقل ایتدکن صکره « پس قیاس
 مولانا سعدالدین ادام الله عافیه عین صوابست که
 عقل را مقدم داشت و وسیلت قریت دانست . »
 یعنی « بو حدیث موجببنجه مولانا سعدالدین
 عقلی عشقه ترجیح ایدیشی پک طوغریدر . »
 بیوریور .

مع مافیه جوابک آلت طرفنده حائز شرف
 عظیم اولان عقلک تنویر طریق ایله صاحبی
 افتاده جاه ضلال اولمقدن وقایه ایدر بر مشعله
 حکمنده اولدیغنی بیان ایله « کیجه انسانک النده
 مشعله بولنسه ده یوریوب یول آلمغه غیرت ایتدکجه

منزل مقصوده واصل اوله مزه « ديهوك كيديله جك
 يوله اول امرده آداب طريقته كيريله بيله جكن
 و انسان صاحب آداب اولوبده شرطنجه قطع ره
 اتمكه باشلامد قجه مالك اولدينى عقلمدن استغناء
 اتمش سايله ميه جفنى كوستورد كنن حركه » سا
 — آلت معرفت نه در ؟ — ديه جك ار لسه م — عقل
 ! — جوانى ويره جكسك ، حال بو كه سالك اثنای
 سيرده بوى بهار وجوده تصادف ايدنجسه عقل
 سر كردان اولور . « افاده سيلاه آتش خرد سه روز
 عشقك قدرت وعظمتنه اشارت ايد يور .

في الحقيقة اعظم اهل تصوفدن بر طاقم
 عرفاتك ، خصوصيله پير بي نظير حضرت
 مولاناك :

عاشقی کرزین سرو و کیزان سرست

عاقبت مار ابدان سو رهبرست

کبی عشقك سر حالده رهنما اولديغنه دلالت
 ايده جك و :

ملت عشق از همه دینها جداست

عاشقانرا مذهب و ملت خداست

کبی مسلك عشقك مسالك سائرہ دن ممتاز
بولندیغنی کویستردجك سوزلر سویامش اولملری
طریق حقہ ہدایت خصوصاً نہ شرف رجحانك
عقلہ دکل ، عشقہ ویرلمنی ایجاب ایدہ جکی
مطالعہ سیلہ انسانك همان عاشق اولہ جنی کلہ
بیلیرسہ اوقیلدن اولان اجلہ عشاقك نہ درجہ لرده
خرد پرور و دیدہ ور اولدقلری دخی نظر دقتہ
آنیرسہ عاشق لقمده علی العمیا آنلری تقایدہ قالمشوق
شا کرد اولدن اوستاد اولمغہ چالشوق دیمك اولہ جنی
کوریلہ بیلہ جکندن عاشق اولدن عاقل اولمق
لازم کلہ جکنہ حکم ایدمك اقتضای دیدیور .

مثلاً قونیہ دہ برکون جناب « صلاح الدین

زر کوب «ك دکانی اوکندن کچر کن زر کوبلرک
ضرباتندن حاصل اولان اصوائی ایشتمسیلہ
برمعتاد وجدہ کلہ رک همان اورادہ اجرای سماع

و صلاح الدينك يرنندن فير لا يوب كال خضوع ايله
حضورينه گلمسي اوزرينه :

« يكي كنجي پديد آمد درين دكان زر كوبي »

« زهي صورت زهي معني زهي خوبي زهي خوبي »

غزلي ايصال اسماع ايتمه باشلامش اولان
حضرت مولاناك احوال غريبي تماشا ايدن
خرد مندان زمان البته حيران اولمشلردر .
حال بوكه آرانسه آذر ك اچنده « امير العاشقين »
عنواني بحق آلمش بولنان پير مشار اليك اعقل
ناس اولديغني اعترافده تردد ايدمك كيمسه بولنه
مزدی ظن اولنور .

دينيله بيليركه : جناب جلال الدين رئيس

العاقلين اولمه امير العاشقين اوله مزدی .

بزم کي عجزه اهل ادراکه عشق لازم ايسه

عقل الزمدر . زير عاشق اوله يمديركن — حکمت

تدريجيه رعايت ايدمديکي اچون — عاقل اولمق

مزيتندن دخي محروم قالمش وعقل و عشقندن

هیچ بریسیله شان و یرمیهرك سانه بر جنون ايله
نام آلمش نیجه بی چاره لر کررلمشدر)

آلتی یدی یاشنده ذکی برچو جغه دائما برلکده
اویون اوینادینی کوزل بر قومشو قیزینک نامنی
و یردرک « سن آکا عاشق اولمشین ! » دیمشله .
« هنوز عاقل اوله مدم که عاشق اوله بیله یم ! »
جوابنی ویرمش

مؤلف

— ۶ —

« لیست النائحة الثکلی کالنائة المستأجرة . »

— ترجمه —

« نایحه ثکلی نایحه مستأجره کبی دکلدر . »

محرر

« نایحه » مدح و زننده « نوح » دن مأخوذ

اوله رق میت اوزرینه فریاد ایدرک آغلایان قادین

دیمکدر . عربیده بوحالک اسمی « نیاچه » در .
 ترکجه ده بوکا « صاغی صاغمق » تعیر ایدر لر
 ایتش .

فتح لام ایله ثکلی « صبح و شفق وزنلرنده
 « ثکل » دن مشتق اوله رق ولدینی غائب ایتش
 اولان والدهیه دینیر . « استیجار » ایسه — معروف
 اولدینی اوزره — اجرته طوتمق دیمک اولدیغندن
 « مستأجره » اسم مفعولی اجرته طوتیلان قادینه
 اطلاق اولنور .

بناءً عایه « نایحه ثکلی » ولدینی غائب ایتش مادر
 نوحه کر . « نایحه مستأجره » دخی — عربستان
 عادات غیر مشرعه سندن اولدینی وجه ایله —
 میت اوزرینه فریاد ایدوب آغلامق ایچون
 اجرته طوتلمش زن غلغله پرور دیمک اولور .

شوحالده « لیست النایحه الثکلی کالنایحه
 المستأجرة . » جمله سندن « ولدینی غائب ایتدیگندن
 طولانی تأثر حقیقی ایله اغلایوب فریاد ایلمین

والده ، آله جفی اجرت خاطری ایچون بلکه هیچ
بیلمدیک بر میت او غرنده ساخته کریه وزاری
ایدن قادینه بکزه مز . « مالی آکلاشیلور .

« متنبی » نک « کو زلره سرمه چکمک
قدرتدن سرمه لی اولق کبی دکدر . « اولان :
« لیس النکحل فی العینین کالکحل »

مصراع مشهوری حکمت حضرت رفاعی ایله
اساساً برمالدودر .

(شرحدن استناضه)

حضرت پیر بوکلامیله « صدق علم و عملدن
عاری اولدیغی حالد طائفه صوفیه به دخیل اولان
کیمسه حقیقتده آنلردن معدود اولدمز ، « دیمک
ایسته مشدور ،

مشایخ رفاعیه دن مولانا علی بن محمد الکارزونی
« اداب الاقطاب » عنوانلی کتابنک مقدمه سنده
بوطائفه ده اولکی حال و کالدن اثر قالمدیغنه دائر

ایراد مقال ایلدیکی صروده « زمانم زده فی الحقیقه
رجال صوفیه دن اولیانلر کندیلرینی آنلره
بکرتمهکجه چالیشورلر . رجال مشمار الیهک یرینی
طوته بیلیمک مزیتندن بالکلیه محروم بر طاقم ارباب
صورت انلرک مقامنه کچمکدن چکنمیورلر . »
دیدکدن صکره :

رضوا بالطیلسان اذا اکتسوها
وتفخیم البرانس والممامه
کذا دجج البیوت لهن ریش
ولکن لا یطرن مع الحمامه

قطعه سنی در میان ایتشدرکه « بونلر باشلرینه
کیدکلری عظملی قاووقلرک اوزرینه قوجه
صارقلر صاررق ارقه لرینه بروده اوزون
طیلسان صارقتمقله ممنون ومکتفی اولورلر . واقعا
اولردهکی طاووقلرکده قانادلری واردر ، لما
کوکر جنلرله برلکده پرواز ایده مزلر . » معنای
تزییفیسنی متضمندر .

بوندن حکره مولانا عنی مقدمه مذکورده
 بوجه آتی بعض مطالعات دخی ایراد ایلمشدر.
 صرفیان روزگار کرتار اولدقلری قبح
 باطنه باغیه رق تزین ذامره اتسار ایدرلر .
 بونلرده اشکال کوزل اما افعال اریله دکل ! . .
 بونلرک قیافته باقال کندی رینی اسلاف قومک
 حقیق اخلاقی فیهاس ایدر ! حال بوکه — این
 الثری والثریا ! —

« اولکی احوال و مقامات ، صاحباریله
 برابر وفات ایتشددر ! اسلاف کرام فیض
 آلهیدن حقیله حصه مند اوابق ایچون ترک
 خراب و آرام ایدرلردی . اغتنام لیال واسسجار ،
 دوام افکار واذکار کبی صفا فزای قلب اوله حق
 افعال ایلله اشتغال معتادلری ایدی . آنک ایچون
 تحصیل رضای حقه موفق ونیل درجات عالییه
 احق اولدیلر .

« عصر مزده ایسه بویله ذاتلر کوربله

مامکده در . شمديکيلر کوزجه کينوب قوشانه رق
محافده صدر کچمک ، کال تکلف و تصدیه
مرشدانه نطقير ايراد ايلمک ، مرید ناميله باشنه
برچوق جهله جمع ايدروک عالمک نظر تعظيم
و تقدیسنی جلبه چالشقم کبی معرفت لرده خیلی
ماهر ايسه لرده تصوف حقیقی اربابنک علو مذهبندن
صفای مشربندن بی نصیب بر آلاي ابله فريب
اولدقلرینی کنديلرینه عطف اولنه جق بر نظر
عارفانه پک قولای فرق ایده بیلیر :

حضرت مؤلفک « البرهان المؤبد » ده
بومقامه مناسب اوله رق ايراد ایلدیکی کلمات دخی
موافق حقیقت ودها زیاده شایان دقت اولمغله
بعضلری مالأاً بروجه آنی کوستریلیر :

« ای متصوف ؟ ظن ایدیورسین که سکا
بو طریقت اب وجد کدن منتقل ویاتاج وخرقه
تلبسیله مقصود حاصل اولور . خدایه قسم
ایدرم که حقیقت حال اويله دکلدیر ! جناب حق

صورتہ دکل ، قلبہ نظر پیورر . تسبیح وعصا کی
ظاہریات ایلہ مشغول اولان قلب نصل مہبط
ذوق روحانی اولہ بیلیر!

اول امرده قلبکی لباس خشیتله ، ظاہریکی
لباس ادبلہ ، نفسکی لباس تواضعله ، بئلککی
لباس محو ایلہ ، لسانکی لباس ذکر ایلہ تزین
ایتسہک ده - لازم ایسه - مؤخرأ البسۃ ظاہریہ
ایلہ تزین ایلسہک اعلا اولزمی ؟ لکن سکا نصل
سوز آکلادیله بیلسونکہ کندیکی عرفای اسلافہ
قیاس ایتمکده سین ؟ فی الواقع شکلار مؤلف اما
کوکلار مختلف !

— ۲ —

« دفتر حال الرجل الحماہ »

— ترجمہ —

انسانک دفتر حالی مقارنلریدو

بو حکمت جایله « کشی دوستک دیتنده
بولنور . » مضموننده کی حدیث شریف ایله
توافق ایتمکده در .

امام شعرانی « الجواهر والدرر » عنوانلی
کتابنده « اهل اللهک رأینه کوره بر مسترشد
بر مرشد ایله — حال حیاتنده — کورشمکه موفق
اوله مدینگی صورتده ' آنک اک کزیده تلامیذیه
کورشملیدر .

حضرت پیر « البرهان المؤید » ده بیوریورکه!
« بر شیخک حالنده کی کمال ویانقصان البته
مریداننده نمایان اولور . شیخک کمالی مرید کمالک
حالی برقاتدها اکمال ایدءجکی کبی مرید ناقصک
حالی دخی اعلا ایدر ، كذلك شیخک نقصانی
مرید کمالک حالی تنقیص ایلیه جکی کبی مرید
ناقصک حالی دخی محو ایلر . مع مافیہ بر موهبه
مخصوصه الآیهنک ظهورنده هیچ بر شیئک تأثیری
قالمر . محبانکزدن اولان ارباب کمالک حالی تنقیص

وینه بونلردن بولنان احباب نقصانک حالى محو
 ایده جک هیچ بر اثر بر اقامغه غیرت ایدیکز !
 زیرا انسان اودرکه « آثارمز بره دلالت ایدر .
 بزدن صکره آثارمز باقکز ! »

مفهومنده بولنان :

ان آثارنا تدل علینا
 فانظروا بعدنا الى الآثار

نطقی اوزره فناسندن صکره آثارنده بقا
 کویلوور .

شیخ منصور دیر ایدی که :

« بر شیخك صحیفه حالى مریدانیدر . مریدده
 شیخك حائز اولدینی احوال و خصالك البته آتاری
 کوریلور . شوقدر وارکه مرید شیخنده ظاهر
 اولیان خصوصى بر حال سماوی به مظهر اوله رق
 علو منزلت جهتیله شیخنه تقدم ایده بیلیر . بوراسی
 فضل الهی به موقوفدر .

« کورلمز می که حسین حلاجك احبابی .

محـب قول وحدت اولدقلری کبی بایزید بسطامینک
 اصحابی دخی اغماضه وتکلم رقائقه مائل
 اولورلر . ؟ کذلک جنیدک اتباعی لسان
 طریقت وشریعتی جمعه همت الیتدکاری کبی
 سلما باذینک اتباعی دخی وصول معالییه
 زیاده رغبت ایدورلر .»

« معروف کرخی ، داودطائی ، حسن بصری
 ایله بونلرک پیروانی اسباب سیری » التمسک
 بالشرع وطلب الحق وحده . » قول مختصرنده
 جمع ایدوب ارباب سیرک هر حالده شریعتیه تمسکه
 منحصرأ طالب حق اولملرینه لزوم کوستورلر .
 عن المرء لا تسئل وسل عن قرینه
 فکل قرین بالمقارن یقتدی

بیت مشهوری — که « بر آدمک ماهیتنی
 آکلامق ایچون قرینی اولان کیمسه نک احوالی
 تحقیق ایتک کافیدر ، زیوا هرکس قرینته اقتدا
 ایدر . » مآلنی محتویدر — حضرت پیرک «دفتر حال

الرجل اصحابه . « حکمتنه مطابق واقع اولمشدور .

محرر

جناب رفاعینک بوقولی حکم حیدریه دن
اولان « قرین المرء دلیل دینه . » کلامنه ده
مطابقدر .

« روح را صحبت ناجنس عذایست الیم »
حکمنجه هنیچ کیمسه کندی مذهب و مشربنده
بولنمیان آدمله ائتلاف ایدهمیه جکی جهتله هر کسک
نه فکر و مسلکده اولدیغنه قرینی کواه ناطقدور .
کاستان سعیدیه کی — بر قفسه قونیلان طوطی ایله
قارغه نك یکدیگردن خشنود اوله ماملری — حکایه
سنک میانده از چوق جنسیت اولمدقجه ائتلاف قابل
اوله میه جغنی کوسترمک ایچون ایراد اولندیغی
ظاهر دور .

هاله مشوی پیرده کی — بر شهبازک ویرانده
بایقوشلر ایچه دوشمسی — و — بر آهونک مرکب
آخوریته حبس ایدلمسی — حکایه لری « اختلاف

جنسیت « مسئلہ سنی او قدر خطیبانہ تصویر و ایضاح
ایتمکده درکہ آندن ابلغی اولہ من دینیله بیلیر .
بو حکمتده کی « احباب » تعیری کی کلام
علی ایله « عن المرء » بیتده کی « قرین »
لفظنک دخی دوام الت ومناسبتہ دلالت ایتمکده
اولمبندزده اکلاشیله جفی وجهله انسانک دفتر
حالی و یادلیل دینی عد اولنه جق آدم کندیسایله
دائما همدم اولمق لازم کلیر ، یوقسه محالست موقته
اربابی بربرینک قرنا و احبابی صاییه میه جقلرنندن
بونلردن هیچ بریسنک دیکری حقنده دفتر حال
و یادلیل دین اولمق اوزره تاقیسی موافق حکمت
کوریله من . مثلا انسان برفکر مخصوصه مبنی -
مذهب و مشربنه موافق اولیان بریسایله -
ولو مدت مدیده اواسون - رفاقت ایتسه انک
حالی تمامایله رفیقنک حالنه قیاس ایتک جائز اوله
بیلیرمی !

ایکی رفیق بینلرنده کی مناسبتی نه زمان حقیله

هم حال اولق درجه لرینه کتیرد لرسه برنده دیکرینک
 ماهیتنی کورمک اوزمان ممکن اوله بیلیر . ایشته
 « انسان قریندن آکلاشیلیر . » خلاصه سنی
 کوسترن سوزلر هپ بوملاحظه ایله سویلنمش
 اولق حیثیتیه حقیقته موافق کورلمکده در .
 یولده کیدن بر آدمک نه فکر ایله کیتمکده
 اولدیغنی یاننده بولنان رفیقندن استدلال ایتمک
 کی شیلر ایسه « دفتر حال الرجال احبابه . »
 حکمتنه تطبیقی قابل اولمیان حاللردندر .

—
 مؤلف

— ۵ —

« لاتظن ان صبغك یستر شیبك بل غیره و ماستر »

— ترجمه —

« بویا اختیار لغکی ستر ایدر صامه ، تغیر

ایتمهده ستر ایده من . »

شرحدن استفاضه

بوحکمت رصینه غایت حسن و بلاغتی مستجمع
بر صورتده ایراد بیورلمشدر . محسوساتده مستعمل
اولان « صبغ » کبوراده مجاز بالاستعاره طریقیه
استعمالی پک لطیف دوشمشدر .

بولطافت شووجهله ایضاح اولنه بیلیر :
بطالت وطریق حقدن انحراف « شیب » ه ،
یعنی شیخوخته ، اهل بطالت وانحرافده کوریلن
ریا « صبغ » ه ، خارجدن فراست مؤمنین دخی
صاچده صقالده صبغ ایله حصوله کله جک تغیری
فرق ایدن مردم چشمه تشبیه ایدلمشدرکه بوندهکی
حسن ایجاز وردقت معنی اعجاب ذوقه کوره مالا
منحنی قیلندندر .

محرر

شرحك طرز افادهسندن دخی آکلاشلمقده
اولدینی وجهایله جناب مؤلفك بوکلامی بری
صورتیه ، دیکری سیرته عائد اولمق اوزره ایکی

معنای مشتمل در که ستر شیخوخت ایچون صاحبه
 صقاله اوریلان بویانک و اخفای سوء نیت ایچون
 ارتکاب اولنان ریانک ماهیتی نظر دفته قارشی مستور
 قالمیه جغنی و بویله ساخته نمایشلرده بولنه رق
 خلقت کوزینی بویامغه چالشمق هر حالده جدی
 بولنمی مطالب اولان انسانه کوره یاقیشیق
 آله میه جغنی کوستر مکده در .

فی الواقع کنج کورنمک ایچون استعمال خضاب
 ستر حقیقتی ارتکاب دیمک اوله جغنی جهنله منفور
 اولولا بصار اولدیغی کی اقوال و افعال ریاکارانه
 ایله بشقه بر ماهیتده کورنمکه قالقشقم دخی آندن
 دها چیرکین بر حال اولدیغندن سردود نظر
 اعتبار در .

صائب تبریزی بویله جوان کورنمک مراقنده
 بولنان بر پیره :

کر قتم سال را پنهان کنی باموچه میسازی
 کر قتم موی را کردی سیه باروچه میسازی

بیتیه خطاب ، یعنی « فرض ایده لم که
سنکی کیزلمکه موفق اولدک ، صاحکی صقالکی
نه یاه جقسین ! فرض ایده لم که بونلری ده سیاه بویا ایله
بویادک ، بوریشق یوزیکه نه چاره بوله جقسین ؟ »
دیه عتاب ایلمشدر .

شیخ سعدی دخی کلستانده بر پیره زنی قارشینه
آلهرق :

موی بتلیس سیه کرده کیر
راست نخواهد شدن این پشت کوز
دیمشدرکه فارسی بیلمز بر قوجه قاری به
مألنی تفهیم ایچون « بویا ایله آق صاحب یکی سیاه
ایده بیلیر سین ، فقط اوقانبوری چیقمش ارقه نک
طوغرلمسی ایچون بر چاره بولنه میه جقدر ! »
دیمک لازم کلیر .

شرحک توجیهنه کوره حکمت جلیله دن شو
مأل استنباط اولمق لازم کلیور .

« بطالتله متصف وطریق حقندن منحرف

اولديغكى لباس ريايله ستر اتمكه نه قدر چالشسه ك
 خارجدن سكا منعطف اوله جق انظار فراست
 حقيقت حالكي كشف ايدر . بوضورته شيبني
 شباب كوسترمك كبي برمقصد عجيب ايله استعمال
 خضاب ايدن آدمه دونرسين كه شوتدبير آنك ماهيتنى
 تغير ايدهميه جكي جهتله حاصل سعي خلقه كولنج
 اولمقدن عبارت قالير .

ضياپاشا مرحومك :

اك اومديغك كشف ايدر اسرار درونك
 سن هر كسى كور عالمى سرسمى صانيرسين
 بيتى حكمت مذ كورهنك ترجمه سى كيدر .

(مؤلف)

— ٥ —

« علامة العاقل الصبر عند المحنة والتواضع
 عند السعة والاخذ بالاحوط وطلب الباقي سبحانه. »

— ترجمه —

بر آدمك عاقل اولدينى وقت مختده صابر .

حال و سعتده متواضع ، هر ایشده احتیاطکار
و طالب حق اولسندن بیلنیر . «
(شرحدن استفاضه)

حضرت مؤلف بو حکمتده برطاقم شیم جیمه بی
جمع ایله بوتلری علامت عاقل اولق اوزره ارانه
بیورمشدر .

خصلت صبرك ممدوحیتنه برچوق آیات و آثار
دلالت ایتکده در . مستجمع مکارم اخلاق ، منور
انفس و آفاق افندمره خطاباً وارد اولان
« ربك حكمة صبر ایت . » و « اولوالعزم اولان
رسل نصل صبر ایتدیلسه سن ده اويله صبر ایت . »
یوللو تأییداتی وعون الهینك صابر لرله
برلیکده بولنه جفی ، ارباب صبره اجر بی حساب
احسان اولنه جفی زمیننده تبشیراتی حاوی بولنان
آیات ، فضیلت صبری اثبات ایتکده اولدینی کی
برطاقم احادیث شریفه دخی بوتلری مؤید بولمقده
و از جمله « صبر رضای حکمدر . » حدیث

عائسی کمال ايجاز ايله صبری مدح و تعریفده بر نمونه
اعجاز عد اولمقدهدر .

قابل تغیر اولمیان بر حکمه . ممتنع الرد اولان
بر بلايه حکیمانه رضا کوسترمک البته موافق رای
عقلادر ، زیرا بویله یرلرده ابراز رضادن استنکاف
ایله جزع حالنده بولمق — فائده ویرمیه جکی
جهتله — بر حرکت نایجادر .

حال وسعتده تواضع انک ایچون نشان خرد
مندی عد اولمقدهدر که بر عاقلی مال وجاه .
عزت و شهرت کبی اسباب سعادت و بونلره لزومندن
زیاده ملتفت و منجذب اولمیهرق عقلی سایه سنده
معنوی بر شرف غالیته نائل اولدقدن صکره خلقه
اظهار تواضع ایدرسه بو حرکت کندیزی ایچون
موجب ازدیاد رفعت اولور .

بالعکس بر آدم بو اسبابی استعظام ايله استکبار
و خلقه چین چین اظهار ایلر ایسه کندی خفت
عقلانه شهادت ایتمکدن بشقه برشی یامش اولمز .

انسانده تکبر اکثریت اوزره وسعت حال
زمانلرنده ظاهر اولمقده بولمنسینه مبنی حضرت
مؤلف عدم احتیاج وتتمده متواضع بولمق
خصوصنی علامات عاقلدن عدا یلمشدر .

« تواضع انسانک افزایش رفتنی موجب
اولور . تواضعله انصاف ایدیکز که جناب حق
قدریکزی ترفیع بیورسون . » مفهومنده کی حدیث
شریف خصلت محمودۀ تواضعک برهان
علویتیدر .

بونیکله برابر « وقار » کبر قیلندن دکلدر ،
آدابدن معدوددر . چونکه انسان وقار ایله ذاتی
ایچون ایفاسی لازم کلن احترامه بر طاقم نادانلر
طرفندن رعایت اولنماسی مناسبستزاکنی منع
ایده بیلیر . وقار محافظۀ شرفه مدار اولدینی ایچون
کبر ایله همعیار اولمقدن بشقه یرینه کوره بهترین
اطوار صاییلیر .

عاقل ، عالم ، متنی ، غنی بر ذات لازم کلدکجه

اظہار وقار ایدہ بیلہ جکی کبی عاقل، عالم اولمقلہ برابر
 غناسی، حتی لباسی اولمیان بر آدم دخی وقور
 اولہ بیلیر . بشرف ذاتی نہ دیمک اولدیغنی اکلامقدن
 بی نصیب اولان بر شخصہ قارشى التزام وقار درجہ
 وجوبده در دینلسہ وجهی واردر .

جناب امام شافعی کهنہ البسہ کینمش اولدیغنی
 ایچون کندیسنی استحقار ایدن بعض جہلہ یہ قارشى :
 لئن کان ثوبی فوق قیمته الفلس

فلی فیہ نفس دون قیمتہا الانس
 و ثوبک شمس تحت انوارہ الدجی
 و ثوبی لیل تحتہ ظلمتہ الشمس

نظم بلیغنی انشاد و بونکله جملہ بی شرف آشنای
 ذات اولمق مذهب عارفانہ سنہ ارشاد ایلماشدر .

نظم مذکورده کیمش اولدیغم لباس برپارہ
 ایتسہ بیلہ ایچنده بر ذات علوی واردر کہ پک چوق
 انسانلرک قیمتی آکانسبتلہ دون قالیر . ای لابس
 جامہ شمشعه دار اولان جاہل ظاہرین ! سنک

لباسك بر کونشدر که زیرضیاسنده ظلمتدن بشقه
 برشی یوقدر . بنم لباسم ایسه برکیجهدر که تحت
 ظلمتده کونش واردر ! « مضمونی حاوی بولندیغی
 جهتله فخورانه کبی کورینورسده حقیقتده وقایه
 شرف نفس ایچون اختیار ایدیان غایت پارلاق
 برمدافعه شاعرانه دن عبارت اولغله بو کما فخورانه
 دکل ، وقورانه دینلمک اقتضا ایده جکی مصدق
 اصحاب طبیعتدر .

بو باده سویلنمش اولان سوزلرک اک
 کوزلرندن بری ده « بر آ دمک ناموسی بحق واقع
 اوله جق ملامت ناس ایله لیکدار اولمدقدن صکره
 هر نه کونه جامه تلبس ایدرسه ایتسون کوزل
 کورینور . « ما لنی کوسترن :

اذا المرء لم یدنس من اللوم عرضه
 فکل رداء یرتدیه جمیل

بیت مشهوریدر .

« یحیی بن معاذ » دیمشدر که : « تواضع هر کسده

کوزل کورینور ، فقط اغنیاده اچان کورینور .
کبر ایسه بالعکس هر کسده چر کین کورینور .
فقط فقراده سزا وار نفرین کورینور . «

بعض حکما: « تواضع حاسدی یوق بر نعمتدر .
تکبر ایسه راحی یوق بر مصیبتدر . « دیمش لردر .
هر ایشده احتیاط کار اولق بختنه کلنجه :
بو ، بالجمله اعمالده مقتضای حکمته اقتفا ایتک
دیمکدر که نتیجه سی « حکمت ، شریفک شرفی
مزداد و عباد حقیری هم مجلس ملوک اولق
درجه سنه اصعاد ایدر . « مآلنده کی حدیث حکیمانه یه
اقتدانک لزومنی کوستدر .

طلب حق « سبحانه » خصوصی ایسه بر عاقل
ایچون اقدام آمال اولق لازم کله جکندن و بویابده کی
آیات و آثار حسابیه جکندن آکا دائر تفصیلات
اعطاسنه لزوم کورلمه زده اوله بیلیر .

بورایه قدر ممکن مرتبه ایضاح معانیسنه
چالشدیغمنر شو حکمته عطف نظر امعان ایدیلسه
جناب غوث اعظمک اعزّه امتدن همان هیچ

بریسنتک ایرادینه موفق اوله مدینگی برکلام جامعله
عالمی ارشاد بیور مقده اولدینگی اعتراف اولنور .
بناءً علیه شیخ ابوبکر بحیی الواسطی (طرفندن حتمده
انشا اولنسان ابیات آتیہ حضرت غوثہ حقیقتاً
لاحری کوریلور .

یا واحد الخلق بالافعال والاکرم
واوجز الناس بالتیان والحکم
یا من ایادیه لا تحصى مواهبها
یا احمد الناس من عرب ومن عجم
یا من اذا قال قولاً او حمی حرماً
وفی بميثاقه والعهد والذمم
انت الذی عطر الاکوان مخبره
وضم للفضل حسن الخلق والشم

مؤلف

— — —

(ماشم راححة المعرفة من افتخره بابیه وامه
وخاله وعمه .)

پدریله ، مادر یله ؛ دایسیله ، عمجه سیله افتخار
ایدن آدم بوی معرفتی طویه مز .)

(شرحدن استفاضه)

اکثری ناس حسب و نسب له تفاخره مائل ، حتی
بعضاری اصالتک انسان ایچون شرفی کافی اولمسنه
قائل بولنلریله حضرت سید احمد بومیل وقولی رد
ایچون شوجمله یی درمیان وبونده انسانک میران
قدری اولان معرفته اصالتک تعلقی اوله میه جعتی
بیان بیور مشدر .

(حسب له افتخار ، نسبه تعرض ، برده نیاحه
(نوحه کرلک) عادات جاهلیه دندر .) مألنده کی
حدیث شریف امتی بو اوچ شیدن منع ایلمکده در .

(محرد)

علمای اصحاب اصالتدن بری دیر ایمش که
(معرفتمند اولان بر عالی تبار محترم صفار

« وکبار اولور ، فقط معرفتی اولمایانه اصالتی موجب
 عارا اولور . »

« بر آدم مثلا عالمزاده اولمديني ايچون تعيب
 اولنه من ، جاهل قالدیني ايچون تعيب اولنور .
 كذلك بوكيمسه عالمزاده اولمقله ممدوح اوله من ،
 عالم اولمقله ممدوح اولور .
 » کمال پاشا زاده مرحومک :

اهل علم اوغلی اولوب مدرسه عالمده
 جاهل اولمقدن ايسه طوغمدن اولمک يکدر
 يتي مؤداسنجه دنياده عالمزاده اولوبده جاهل
 قالمقدن ، تعبير اعم ايله . بيوک آدمک کوچک
 اوغلی اولمقدن چيرکين پک آز حال بولنه بيلير . «
 شمس تبريزينک واقعه شهادتنده سوء قصد
 ماربانی ارسينده بولمغه جرات ايتمش اولان
 « محمد علاء الدين » حضرت ملا جلال الدين کي
 حقیقه بيوک برذاتک اوغلی اولديني حالده
 — يدريله مناسبت معنويه سی اولمديني ايچون —

ملت نظر نده کوچک قالمشدر ، حال بوکه اهل
تولادن برپنک :

آنکه اورا بر سر حیدر همی خوانی امیر
کافر م کرمی تواند کفش قنبر داشتن
دیه علوقدرینه اشارت ایلدیکی « قنبر » بر کوله
ایکن — رضای شاه ولایتی تحمیل ایتدیکی
ایچون — عالمده بیوکلکله نام آلمشدر .

جناب خواجه محمد بهاء الدین نقشبنده بریسی
« سلسله حضرت شهاب کجایمی رسد ؟ » یعنی
« حضرت تکزک سلسله کز نره یه واصل اولیور ؟ »
دید کده مشار الیه « از سلسله کسی بجائی نمی رسد . »
یعنی « سلسله ایله هیچ کیمسه بریره واصل
اوله مز . » جوانی ویرمشدر که حضرت خواجه نک
نقدر عالی بر مقام عرفانه واصل اولمش اولدیغنی
کوسترمک ایچون یالکز بوسوزی کفایت ایدر .
بر مجلس مخصوص مذاکره زاده گان آره سنده
بولسان اریاب کالدن بر فقیر زاده موضوع بحث

اولان مسئله اوزرینه عمومه قارشى احرارانه بیان افکار ایلدکده زاده کاندن بریسی اظهار انفعال ایله « سن برچوبانک اوغایسین ! » دهرک کنیدیسنی استحقار ایدنجیه ابن الراعی درحال « اوت ! » برچوبانک اوغلی یم ، فقط چالشدم کسب علم وادب ایتدم . سایه سیمده بوم تبهیه واصل اولدم . اما سزبرچوبانک صلبندن گلش اولدیکنرینه برچوباندن باشقه برشی اوله مزدیکنر ! » مقابله سینه متعرض اصالت فروشی لال ایلمشدر . « نوح » کی برنی ممتازک کنعانى ، « نارخ کی بر صنم سازک ابراهیم ذى شانى میدانده ایکن برفرزندک ماهیتی محققده پدرینک بیوکلکنه ویاکوچکلکنه باقهرق حکم ویرمک قابل اوله بیلیرمی » میتدن حی چیقارر . حیدن میت حکمتنه ! » واقف اولانلر آبا و امهاته دکل ، ذاته نظرایله لر . اصالت دیدیکنر کیفیت مورث حسن تربیت اولق لازم کلیر بر اسیل که یومزیتدن بی نصیب

اولور . آندە بیوکلك تصور ایتك اصل مصیب
اولور ؟

یوقاریده بیان اولندیغی وجه ایله محمد علاء الدین
اولاد مولانادن اولمقله هیچ برشرف قزانهمدی .
حال بوکه « سلطان ولد » شرف ذاتی احساندن
بولمقله حضرت ملانك شاننی ارتیردی .

واقعا سلطان ولد ایچون او یله بر فخر امتك
اوغلی بولمق ده برشرفدره فقط بوجهت کندیسنك
فضیلت ذاتیه سندن صکره نظر اعتباره النیر .

چکنلرده « عثمانلی کتبخانه سی » عنوانلی کلیاتك
اجزاسندن اولمق اوزره نشر ایدیلن « نوادر
الا کابر » ده مندرج : — حضرت فاروقی برکون
غایت کوزل کینمش برادرمه مصادف اوله رق
« سن بصره لی بر حدادك اوغلی دکلیسین ؟ »
دینجه حدادزاده « اوت ! فقط کاتیم ! » جوابنی
ویردکده جناب خلیفه « علم نه عالی شیدر !
اربانی دائما اعلا ایدر . » دیهرك کاتبی مظهر التفات

بیورمشدر . — فقره سی دخی بوبابده بر فکر
اجمالی ویرمکدهدر .

بعض اکابر عصره مخصوص بر ضیافتده
مدعویندن بولنان « وولتهر » سفره باشنده اک
اشاغبی عد اولنان موقعک کندیزی ایچون تخصیص
ایدلیکنی کورنجه بووضعک ذاتنی تحقیر منصفیه
اختیار اولندیغنی اکلا یوب صاحب دعوته خطاباً
« شو موقعک هر بردن زیاده شرفیاب اولسنی ارزو
بیور بیورسکز دیمک اولور ! » دیهرک تقدم حقیقی
شرفنک اعجاب اصالته دکل ؛ ارباب حکمته ویرلمسی
اقتضا ایدجکنی کوسترمشدر .

وولتهرک بوسوزی « شرف المکان بالملکین . »
حکمت اسلامییه سنی متضمن بولنمقدهدر .

« علی القیروانی » نک : « شرف اهل علمه
مخصوصدر . زیرا کندیلری طریق مستقیمدن
آیرلقلری کبی طاب هدایت اولانلری ده بوبله
سوق ایدرلر . تحصیل علمه موفق اولورسهک
الی الابد یاشارسین . اصل ارباب حیات علمادر .

سائر ناس ايسه ميت حكمنده درلر . « مفهومى .
مبين بولنان :

ما الفضل الا لاهل العلم انهم
على الهدى لمن استهدى ادلاء
فمنز بعلم تعش حيا به ابدًا
الناس موتى واهل العلم احياء

قطعه مى دخی شان علمى اعلان ایدن آثار
آرہ سندہ التفاتہ شایاندر .

—
مؤلف

— ۷ —

« الشيخ من اذا نصحك افهمك واذقاك ذلك
واذا اخذك نهض بك ، الشيخ من يلزمك
الكتاب والسنة ويبعدك عن المحدثه والبدعة .
الشيخ ظاهر الشرع وباطنه الشرع . »

— ترجمه —

« شيخ اودرکه سکا نصیحت اید نجه مابه النجات
نه اولدیغنی ما کلادر ، پیشروک اولنجه منزل سعادتہ

ایصال ایدر ، سنی دائره قبولنه النجه وصول
 معالی به سوق ایلر . شیخ اودر که سکا کتاب وسنتدن
 آیرا منی لازمه دن عد ایتدیریر ، سنی مغایر شرع
 وحکمت هر درلو بدعتدن اوزاقلاشدیریر . شیخات
 ظاهری ده ، باطنی ده موافق شریعت اولور . «
 (شرحدن استفاضه)

حضرت پیر بوراده « شیخ » دن « مرشد »
 معناسنی قصد ایتمشدر . لغتده شیخ قرق یاشنه بالغ
 اولان آدمه دینیرسه ده اصطلاحده — قاج یاشنده
 اولورسه اولسون — مرتبه اهل کماله وصول
 بولان ذاته اطلاق اولنور .

« بکا اقتدا ایدن بندندر . سنتمدن اعراض
 ایلین بندن دکدر . » مآلندء اولان حدیث شریفه
 اقتفاء بر آدمک ظاهر و باطنی شریعت غرایه
 وسنت سیدالانبیایه موافق اولمدقچه مرشد
 اتخازینه صالح اوله میه جفتدن « ظاهرده اوپله در .
 اما باطنده بوپله در . » کبی کویا عارفانه سوزلرله

خود فروش-لق ایدن ارباب صورتک مشیختی
 بالطبع قوری بر دعوا دن عبارت اولق اوزره تلقی
 ایدلک لازم کلیر •

« مرشدم ! » دین ذات اخلاق محمدیه
 ایله متصف اولدیغنی اثبات ایتلیدر . بومظهریتده
 بولنسان بر مرد کامل « جناب حقک بر کیمسه بی
 هدایتہ سنی واسطه ایتسی حقکده مالک مال کثیر
 اولمقدن خیر لیدر . » مفهومانده کی تشویق نبوی یه
 امثالاً قاعد مقام ارشاد اوله بیلیر . یوقسه
 بی بهره کمال بر آدم خلقتی ارشاد ایدیم دیر کن
 اضلال ایدر .

—
 مؤلف

— ۸ —

« خذ الحکمة این رأیتها فان العاقل يأخذ
 الحکمة لایبالی علی ای حائط کتبت وعن ای رجل
 نقلت ومن ای کافر سمعت • »

« نرہدہ حکمت کورسہک آل ، عاقل
اولان ، حکمتک ہانکی دیوار اوزرندہ مکتوب ،
ہانکی شخصدن منقول . ہانکی کافردن مسجوع
اولدیغنی قید ایتیمہرک اخذ وقبولنہ شتاب ایلر . »
(شرحدن استفاضہ)

جناب مؤلف « حکمت مؤمنک غائیدر .
آنی نرہدہ بولورسہ آلیر . » مألندہ کی حدیث
شریفہ اتباعاً — نرہدہ بولورسہ بولنسون ، قائل
ہر کیم اولورسہ اولسون — حکمتک تلقیسنی امر
ایدیور .

بو تنبیہ جلیل عقلا ایلہ اختلاطہ تشویقی
دخی متضمندر ، زیرا حکمت نامیلہ یاد ایلدیکمز
فوائد عظیمہ نزد عقلادہ بولنور .

محرر

حضرت امام علیہ السلامات مشہورہ حکیمانہ سندن
اولان « انظر الى ما قال ولا تنظر الى من قال . »

سوزینی شارح بولسان بو حکمت « اس الحکم »
دینله جک درجه ده جائز اهمیتدر .

عالم بردار الحکمدر • انسان هر هانکی جهتنه
عطف نظر امان ایسه شاهد حکمت اوله بیلیر •
حکمتی کورمک برهنر ، آلق ایسه هنر دیکردر •
اهل اسلام بو هنری جمع اتمکله مأموردور •
کرك یغمبر حکمت پرورمن وکرك انک ورثه سی
اولان رهبرلرمن بزى بویوله ارشاد ایدیورلر •
اخذ حکمت خصوصنده بزى هیچ برقید ایله مقید
ایتمیورلر • حریت کامله ویریورلر • شو حالده
حکمت بین و حکمت چین اولمقدن بر آن خالی
قالماق لغمز لازم کلیر • بواک مهم وظیفه یی حقیقه
ایفایه چالشمز ایسه ک صوچ بزم اولور •

حکمتک شرقیسی ، غربیسی اولمز • دنیا نیک هیچ
برطرفنده وطنمزک اخذ ایده میه جکی هیچ بر حکمت
بولنمز • هر محبوبه حکمت نامزد مزدور • آلملی یز !
بو بابده سرمایه موفقیت حضرت پیرک تعبیری

وجه ایله — کنز فوائد و کیمیای سعادت — اولان
نقد عقلمور . بز احسان الهی اولان بونقده جمله دن
زیاده مالک اولدیغمز حالده — نه حکمته مبنی ایسه
محانه صرفی خصوصنده پلک ده بصیرتکارانه حرکت
ایده مامکده یز .

مسرف زنیکنه بکزرز : نقد مزی اکثریا بزه
منفعت حقیقیه سی اولمیان شیلره صرف ایله استهلاک
ایدوز حال بو که اوت طرفده اقتدار نقدیسی بزه نسبتله
جزئی اولان بریسی بونی محانه صرف ایتدیکی جهته
بزه قیاس قبول ایتیه جک درجه ده مستفید اولور .
قصور من لا ابالیلکدر . لا ابالی اولسه ق حکیم
اولوردق . حکیم اولسه ق وطنم زده آثار حکمت
ریردن زیاده بولنوردی .

(خاتمه)

حکم الرفاعیدن شو نمونه لری کوستر مکه اکتفا
ایدیورم . بو حکمتلرک هبسنی یازمغه وقتم مساعد
اولمادی . مساعد اولسه ده احتمال که جماعه سنی بویولده

تحریره جسارت ایدہ مزد م ، چونکہ حکم جلیلہ
مذکورہ ارہ سندہ لایقیلہ ایضاحی ارباب حال و کالدن
بولنمغہ توقف ایدر بعض حقایق عالیہ دخی موجود در .

مقصد عاجزانہم بوقیلدن اولان اقوال
اکابرک — تعمیم فوائدی ایچون — لسانمزه بالترجمہ
شرحیلہ خالقمنزک حکم اسلامیہ دن برقات دہا
خبردار ایدلمسنہ لزوم کورہ جکلری طبعی بولنان
ارباب اقتداری تشویقندن عبارت اولدیغی نظر دقتہ
النیرسہ شوصورتلہ بر اثر نقصان دہا کوستریشم
عفوی قابل جراتلردن عداولنور صانیرم .

خلوص نیتم بکا ایلریدہ حکم مذکورہ یی
وسائر بعض جمل مأثورہ یی — مکمل اولمق اوزرہ
ارباب حال و کمال طرفندن ایضاح ایدلمش کوسترمک
کبی بر حسن تأثیر حصولہ کثیرہ جک اولورسا
اووقت کندمی اصحاب معنایہ بر خدمتجک دہا
عرض ایتمش عدایلرم .



stx

BP80

R5

N32193

1887